

FEDERALNO MINISTARSTVO FINANSIJA
FEDERALNO MINISTARSTVO FINANCIJA

N A C R T
(Po hitnom postupku)

ZAKON O IZMJENAMA
ZAKONA O FEDERALNIM UPRAVNIM TAKSAMA I TARIFI FEDERALNIH UPRAVNIH
TAKSI

Sarajevo, maj 2014. godine

ZAKON
O IZMJENAMA
ZAKONA O FEDERALNIM UPRAVNIM TAKSAMA I TARIFI FEDERALNIH UPRAVNIH
TAKSI

Član 1.

U Zakonu o federalnim upravnim taksama i Tarifi federalnih upravnih taksi („Službene novine Federacije BiH“, br. 6/98, 8/00,45/10 i 43/13), u Tarifi federalnih upravnih taksi u Tar. br. 35. tačka 1. broj „60“ zamjenjuje se brojem „30“.

Tar. br. 48., briše se.

Član 2.

Ovaj zakon stupa na snagu narednog dana od dana objavljivanja u "Službenim novinama Federacije BiH".

**OBRAZLOŽENJE
PRIJEDLOGA ZA DONOŠENJE ZAKONA PO HITNOM POSTUPKU**

Odredbama člana 191. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07), propisuje se sljedeće: **“Po hitnom postupku može se donijeti samo zakon kojim se uređuju odnosi i pitanja za čije uređivanje postoji neodgodiva potreba i ako bi donošenje zakona u redovnom postupku moglo izazvati štetne posljedice za Federaciju”**.

Također, u članu 186. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03) propisuje se: **“Izuzetno po hitnom postupku može da se donese samo zakon kojim se uređuju odnosi i pitanja za čije uređivanje postoji neodgodiva potreba i ako bi donošenje zakona u redovnom postupku moglo izazvati štetne posljedice za Federaciju”**

U smislu navedenih odredbi Poslovnika ovim izmjenama Zakona o federalnim upravnim taksama i Tarifi federalnih upravnih taksi, omogućava se lakši, efikasniji i jeftiniji pristup informacijama i uslugama, za sva pravna i fizička lica koja podnose zahtjeve nadležnim institucijama.

OBRAZLOŽENJE

I. Ustavni osnov

Ustavni osnov za donošenje ovog zakona sadržan je u članu III. 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona o vršenju dužnosti federalne vlasti.

II. Razlozi za donošenje zakona

Prilikom izrade izmjena i dopuna Zakona o Federalnim administrativnim taksama i Tarifi Federalnih administrativnih taksi („Službene novine Federacije BiH“ br. 6/98, 8/00, 45/10 i 43/13), Federalno ministarstvo poljoprivrede, vodoprivrede i šumarstva dostavilo je prijedloge za izmjene i dopune Zakona i Tarife, a u sklopu toga i Tar. broja 35., međutim tehničkom greškom pored tekstualnog opisa upisan je pogrešan iznos vrijednosti tarife. S obzirom na značaj navedene tarife u Tar.br. 35 koja je prema postojećem stanju u dvostruko većem iznosu od predviđenog, i kao takva ima negativan efekt za poslovanje fizičkih i pravnih lica koja koriste usluge resornog ministarstva (izdavanje uvjerenja kojima se dokazuje provjera fitosanitarne ispravnosti bilja), neophodno je izvršiti korekciju navedenog iznosa po hitnom postupku.

Isto tako kod brisanja Tar.br. 48. koji predviđa plaćanje porezne takse za uvjerenje o stanju poreznih obaveza u iznosu 15,00 KM, neophodno je osigurati da porezni obveznici ne moraju plaćati istu. U cilju rasterećenja plaćanja obaveza za one porezne obveznike koji imaju veliki broj zaposlenih, kao i u onim situacijama kada samo poslovanje pravnih i fizičkih lica zahtijeva obavezu čestog podnošenja zahtjeva za dobivanje ove potvrde. Ovom izmjenom ne utječe se značajno na prihode budžeta Federacije BiH, a pozitivno utječe na poslovno okruženje.

III. Obrazloženje predloženih pravnih rješenja

Član 1.

Izmjenom u Tar. br. 35., umanjuje se iznos naknade sa 60,00 na 30,00 KM zbog tehničke greške od strane Federalnog ministarstva poljoprivrede, vodoprivrede i šumarstva što bi imalo negativne efekte za sve korisnike ovih usluga.

Član 2.

Brisanjem Tar.br. 48. koji predviđa plaćanje porezne takse za uvjerenje o stanju poreznih obaveza u iznosu 15,00 KM, omogućava se lakši i jeftiniji pristup informacijama o stanju poreznih obaveza, za podnosiocima zahtjeva.

IV Finansijska sredstva

Za provođenje ovog zakona nije potrebno osigurati sredstva u Budžetu Federacije BiH.